

Broj: UP1-06-13-1-205-4/21
Mostar, 07.10.2021. godine

Na osnovu člana 11., člana 17. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad (licence) broj UP1-06-13-1-205-1/21 od 03.09.2021. godine, podnosioca zahtjeva „HIFA-PETROL“ d.o.o. Sarajevo, ul. Hotonj bb, Sarajevo, Vogošća, zastupanog po zakonskom zastupniku Muhamedu Vrabcu, u postupku izmjene i dopune Dozvole za rad (licence) za skladištenje naftnih derivata osim LPG-a broj UP1-06-13-1-94-1/21, Regulatorna komisija za energiju u Federaciji Bosne i Hercegovine – FERK je 07.10.2021. godine na XX redovnoj sjednici donijela sljedeće

RJEŠENJE

1. Dozvola za rad (licenca) za skladištenje naftnih derivata osim LPG-a broj UP1-06-13-1-94-1/21 od 29.06.2021. godine izdata Rješenjem broj UP1-06-13-1-94-5/21 od 29.06.2021. godine imaoce dozvole „HIFA-PETROL“ d.o.o. Sarajevo, mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) iz tačke 1. ovog rješenja važi do 28.06.2026. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tačaka 1. i 2. ovog rješenja.
4. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 03.09.2021. godine FERK je pod brojem UP1-06-13-1-205-1/21 od podnosioca „HIFA-PETROL“ d.o.o. Sarajevo primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za skladištenje naftnih derivata osim LPG-a broj UP1-06-13-1-94-1/21 radi proširenja skladišnih kapaciteta namijenjenih za obavljanje licencirane djelatnosti, a dana 16.09.2021. godine pod brojem UP1-06-13-1-205-2/21 i dopunu zahtjeva.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 23.

Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, a polazeći od člana 37. stav (1) istog pravilnika kojim je propisano da se postupak obnove, izmjene i dopune i oduzimanja (privremenog i trajnog) dozvole za rad (licence) vodi na isti način kao i postupak izdavanja dozvole za rad (licence), pripremio Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenju i dopunu dozvole za rad (licence) broj UP1-06-13-1-205-1/21 od 03.09.2021. godine podnosioca „HIFA-PETROL“ d.o.o. Sarajevo.

Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je Odlukom broj UP1-06-13-1-205-3/21 od 28.09.2021. godine usvojio Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenju i dopunu dozvole za rad (licence) broj UP1-06-13-1-205-1/21 od 03.09.2021. godine, te Obavještenje za javnost o opštoj raspravi o Nacrtu dozvole za rad (licence) po zahtjevu za izmjenju i dopunu dozvole za rad (licence) za skladištenje naftnih derivata osim LPG-a, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost da dostave svoje pisane komentare na Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenju i dopunu dozvole za rad (licence) na adresu FERK-a ili na elektronsku adresu, u periodu od 28.09.2021. godine do 06.10.2021. godine do 15:00 sati, kao i da su lica, koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog interesa, imala mogućnost da dostave zahtjev za sticanje statusa umješaća na adresu FERK-a ili na elektronsku adresu, u periodu od 28.09.2021. godine do 06.10.2021. godine do 15:00 sati.

Do ostavljenog roka za dostavu pisanih komentara i za dostavljanje zahtjeva za sticanje statusa umješaća, odnosno do 06.10.2021. godine do 15:00 sati, u FERK nisu primljeni pisani komentari na Nacrt dozvole za rad (licence) za skladištenje naftnih derivata osim LPG-a u postupku po Zahtjevu za izmjenju i dopunu dozvole za rad (licence), niti je primljen zahtjev za sticanje statusa umješaća.

Na osnovu obrade Zahtjeva za izmjenju i dopunu dozvole za rad (licence) broj UP1-06-13-1-205-1/21 od 03.09.2021. godine podnosioca „HIFA-PETROL“ d.o.o. Sarajevo i dokumentacije priložene uz zahtjev, izvršena je izmjena i dopuna Dozvole za rad (licence) za skladištenje naftnih derivata osim LPG-a broj UP1-06-13-1-94-1/21 od 29.06.2021. godine, radi proširenja skladišnih kapaciteta namijenjenih za obavljanje licencirane djelatnosti. Predmetna dozvola za rad (licenca) je izmjenjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, s tim da su period važenja dozvole za rad (licence) kao i njeni uslovi ostali nepromijenjeni. Postavljeni uslovi uvažavaju potrebu, ali i obavezu „HIFA-PETROL“ d.o.o. Sarajevo da u rokovima propisanim u uslovima dozvole za rad (licence) za obavljanje djelatnosti skladištenja naftnih derivata osim LPG-a iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo, s.r.